

夏峯先生集

五



周華先生集

五

夏 峯 先 生 集

(五)

孫 奇 逢 著

夏峯先生集卷十一

詩四言古

述先德

維我始祖肇自興州。文皇召徙各卜一疇。賈家之莊爲世首邱。代乏聞人。桑土綢繆。遷居北城。曾祖庇庥。邁迹我祖。始衍箕裘。締造維艱。敢忘前修。於維我祖。人號佛兒。淳衷質行。面背無岐。年近知命。始薦棘闈。十年作吏。冰雪自持。宦雖不達。人信勿欺。子子孫孫。繁衍維祺。祖德惟馨。令譽永垂。於維我考。是謂克家。兄弟異乳。門內多譁。考心用傷。動忍靡加。前承後啓。矢志何涯。色養北堂。獨力孔嘉。豪士悲歌。野老桑麻。彥方君實。攜手同車。於維季父。訥訥古人。不達世務。不入俗塵。甯固甯儉。獨守其真。與物無競。返朴還淳。下董生帷。守原憲貧。我從問業。不墮迷津。司鐸鄴下。教澤猶新。惟我伯兄。賦性磊落。人所牽纏。片言領略。雖值家乏。意忘寂寞。杯酒浩歌。情有餘綽。保安鄉曲。輯強扶弱。居荆高里。奉劉琨約。兄也實師。父命從學。

惟我仲兄賦性和易履道坦坦蕭條高寄義激於中禍患不避悍使之馴貴不敢媚得飲酒情晰涉世義長而有述老學更邃庶幾有聞以醒爲醉祖爲廉吏弟能繼之考有懿德弟能宣之爲人爲子庶其無虧朋友切切兄弟怡怡武學七載不怕鬼窺武城年餘不慮人嗤無百畝田有萬首詩

維舟

維舟之憑所憑惟水可載可覆順行逆止水之涸矣舟何以起藐焉一身衆欲如矢環而攻之機張心死內滑外誘人莫之砥莫不欲生莫不惡死靜言思之多違生理君子未仁小人無恥

齒傷志警

耄年善飯身其康彊一朝不慎厥齒用傷少合多離百味失常耳旣鮮聰目亦少光齒復殘缺通體不良百年如寄境促情長饑渴害心自取咎殃

有會

學無究竟功無定程身與境會其性自靈非行仁義仁義無形履道常坦靜坐獨醒鳶飛魚躍水落山青

生日喜述己酉

一堂五世曾見江村老夫薄德亦抱元孫臘之十四有酒盈尊親朋甫集攜幼入門乳孫含笑愉我心魂

先靈應慰垂裕後昆。倫常之樂他何足論。歌詩侑爵古誼猶存。

寄懷耿保汝

夏峯之阿既寤且歌。今子于邁甯阻關河。豈無同好懷子無他。千古未遠一畫足多。靄靄停雲延佇如何。

詩五言古

述懷

五月羊裘公。平揖抗天子。豈非濟川材。所志乃如是。嗟彼欲富者。干進未有已。仕既道不行。祇以自貽恥。我本抱甕人。榮華淡如水。饑溺不關身。脫然何所累。靜對慊蒲團。閑情寄圖史。聊以藏吾拙。敢云掠世美。撫膺夜唫嘯。清風片片起。

和鹿伯順咏柏韻

奉常冰霜姿。雄謀自天挺。松柏有同操。腸熱面獨冷。胸中羅古今。事事挈裘領。宋子舊有亭。柏環亦秀整。因以傲雪名。借柏寫君影。豈不歷歲寒。論威非論猛。羣樹不敢逼。歸風濤千頃。重咏咏柏篇。與君無差等。贈杜君異

此君一何異。狷潔自性生。屬文堪破膽。對面善逃名。憶昔避賊日。出門戈已橫。盡室皆徒步。澁囊已全傾。負母藏草間。有慟不敢聲。復念猶子孤。友于義更明。顧母且顧兒。鬼神飲血誠。行也而兼學。吾道借干城。

銜杯非嗜酒。聊以瀉不平。

聞盧九台戰沒因憶茅止生

孔生從軍行。備悉中軍事。十日絕糗糧。展轉憂如刺。忽聞敵騎來。仗劍身先出。麾下兵已卻。君猶怒目視。鎧甲突重圍。萬夫皆辟易。遍體帶傷痕。抽矢奮猿臂。死敵與死法。了了明大義。一死未足多。百事爲君累。斷金誼若何。同肩而用異。中情少人知。難免讒夫忌。試問從者誰。應洒茅容淚。茅子受君知。茅留爲君地。予未識君面。思君入夢寐。爲感知己言。古人重其意。茅子予舊交。仗劍素有志。無奈多坎坷。魚水緣未遂。何日重攜手。不獨話別離。

庚辰人日

百樓逢人日。行年五十七。往事抵掌間。酸流骨孔出。旣無負郭田。終鮮治生術。春官十一上。疋馬歸來疾。自分甘林壑。富貴非其質。此行雖勉赴。筋力已全失。幸有清修人。所學稱入室。朝夕共嚶鳴。何事不可畢。有兒已成行。長幼頗秩秩。大者知名行。小者亦和吉。兄老興尙酣。弟復工音律。天以娛我老。竊附民之逸。癸未四月還百樓舊居有懷君異國鎮

去此忽七月。煙雲偏草萊。居停仍似昨。腥穢雜青苔。架上書百卷。棄置與塵堆。主人腸千結。語語帶中哀。隣老多慘死。子弟不能綏。稚兒苦勞役。入門病相催。酸聲時映耳。安得好懷開。同憐避兵日。我病清涼臺。萬馬殺氣逼。難到北山隈。杜子不忍去。陳生共徘徊。矢言天日在。精血不曾灰。泡影百年中。得此安恨哉。

何日聯翩至。重整舊尊罍。

夜訪李起蟄

君本恬修士。所遇一何窮。連隕妻與妾。夢蘭望已空。有女亦朝露。孤身蕭寺中。家僅存四壁。門無三尺童。入夜適相訪。借火向隣東。茶點麥芽鮮。果出乾棗紅。滯慮孤清洗。深山老衲同。甫坐大風起。別去心忡忡。董韞生胡存伯養仲過訪。

白髮一衰翁。兀坐衡門裏。僻性苦紛囂。不慣入城市。不速三人來。英妙非俗子。吐詞何超越。予言無不喜。欲別雨紛飛。幾番行且止。烹薇遲上賓。淡哉君子水。燕月與秦雲。相望從此始。

二十吟貽馬習仲王申之

途窮悲萬里。智困氣彌張。英傑未遇時。今古鬱相望。二仲我知之。心期未可量。偉略雄儔伍。清襟妙辭章。十年匣底劍。雙刃礪風霜。割雞將焉用。淬成百鍊鋼。劍合在一朝。鵬飛任徜徉。我有二字訣。耐心似微長。今日持贈君。鄭重莫遺忘。

謁靜修先生祠

此地留風教。迄今三百年。瞻禮神逾竦。讀碑石欲仙。我窺先生志。適符高尚篇。縱不值元運。甯與王侯肩。有客聞我語。搖首曰不然。先生服孔姬。寤寐思堯天。婉詞謝時宰。暫出卽言旋。此老非迂闊。心事幾熬煎。試將今日意。便可印昔賢。此語久在懷。特質先生前。遺像若有言。精靈可默傳。

讀許魯齋集

我讀公遺書。知公心最苦。乾坤值元運。民彝已無主。公等二三輩。得君爲之輔。倫理未全絕。此功非小補。不陳伐宋謀。天日昭肺腑。題墓有遺言。公意有所取。衆以此謂公。未免儒而腐。道行與道尊。兩義各千古。

輓陳元禮

憶昔聚江干。槐井盤桓久。論事酷能言。樂結賢豪友。太常殉義日。哀號破君口。傍觀感且泣。友道一何厚。禮臣入告疏。實出君家手。鹿子足千秋。此誼真不朽。儂也衰病身。君偏忘我醜。吁嗟今已矣。往事難回首。執紼力未能。遙空酌杯酒。

與友人談五柳先生

我最愛陶公。門前少五柳。東籬旣無菊。性亦不嗜酒。獨此貧相當。腰不折五斗。陶公如見我。應與同攜手。養菊柳成行。不知能樂否。

夜渡渥水感冲寰相迎

南畝事方興。有人奪我壤。故廬不敢居。攜家尙宵往。中夜門昏黑。涼風吹袂響。遙遙渥水城。捫路空沆漭。感君單騎來。氣勢何倜儻。小望整征鞍。前導驅魍魎。因憶古英人。作事多慨爽。

述往

往事何爲述。述之明素志。立志士初節。垂老或不易。憶我十七齡。虎闥稱得意。公車甫再上。二親遂我棄。

流淚抱中歎。五禩居墓次。兄弟欣友于。妻孥無詬諱。無奈多愆尤。中道益顛顛。始室摧戊午。踰歲續中饋。生兒有前後。壘篴喜相吹。己巳逝伯兄。癸未喪其季。哀哀原上鵠。四人去其二。少小值家乏。老至更囊匱。丙子殞次女。十年身旅寄。蕭蕭一擔輕。野鶴孤雲侍。澹泊非偏好。羶膩適爲累。衣取蔽吾體。文繡何足恃。食取充吾饑。肥甘何足嗜。童稚可娛老。卑幼堪共醉。門內無戈矛。戶外鮮怨恚。子春與仲連。千古切仰企。東海不能蹈。無終竟難遂。撫已有深衷。履運何辭瘁。

秋夕聽郭恭軒彈琴

范陽有逸老。久登韻士壇。過我雲宿舍。抱琴一再彈。衫袖拂玉徽。香焚氣盈闌。漁樵初入奏。山海列眉端。我本幽居士。此味臭如蘭。再奏漢宮曲。未半我心酸。乾坤萬古色。人代幾凋殘。終以思賢操。神凝骨欲寒。幽聽動鬼神。揮指靜相安。用以滌世穢。甯直洗我繁。絲桐能幾許。古人與盤桓。君欲別我去。我謂知音難。曲終月皎皎。霜髮兩相看。

序朱忠烈有感

常山罵賊死。秀實擊賊亡。一舌與一笏。千載有耿光。非甘蹈白刃。總之念天常。嗟我朱忠烈。將無同肝腸。氣不激不烈。節不烈不揚。悲風寒泉水。至今有餘芳。

示望雅

爾性亦不隱。爾識亦不惑。所慮著簡束。未必詣自得。所慮窺藩籬。未必契規則。學先破流俗。俗破意自特。

此道非義襲功深惟一默。

書感

我來千餘里。思見英雄人。胸中羅今古。萬物待其新。人也而天遊。釣渭與耕莘。不然隱君子。山水樂相隣。邱壑適吾意。皎潔不染塵。二者俱悠逸。斯道竟沉淪。乃知古人出。堯舜其君民。退處林泉下。坐使風俗淳。仁可覆天下。亦可善一身。此字不分明。痛癢總不親。庸衆是非泯。英雄好惡真。此是經綸手。千古無等倫。西郊觀蓮

君子不可見。花中得其真。君看汚泥挺。挺不染塵。不以有人芳。不以無人嚮。幸不值風雨。坐悅清霽晨。我攜長幼來。儼如對佳賓。亦思一舉觴。病困復逡巡。恨不結一茅。眠食水之濱。托契在幽獨。甯直看花人。三仙翁

於林慮得三隱逸焉。賈竹號竹軒。又號乖公。霍炳號梅軒。佚老。又號山翁。王鼎號松軒。亦曰退翁。生於元。不樂仕進。皆有詩名。時人目爲三仙翁。好事者多繪像祀之。至今稱曰林慮三老。

元室有逸人。松竹梅三友。人稱三仙翁。茅開林慮牖。生當元季時。元季不得有。仙翁真仙翁。人與林慮久。遊息堂清話

魚鳥亂天淵。君子慎所履。我有達觀人。包羞其遠旨。曲士矜小忿。一觸髮輒指。天地開闢來。有泰卽有否。入佛且入魔。中自有妙理。梁公時委蛇。屈辱非所恥。靜躁嚴幽獨。予懷借君起。

所止二首

久淹蘇山側。遂爾罷遠遊。雖云筋力疲。緬邈乏良儔。渡江人且還。寄言卜一邱。我去欲何之。神鬼陰爲留。夏峯多奇雲。心遠境自幽。所止何所樂。躬畊遠市塵。先師亦有言。憂道不憂貧。挺挺長松下。四時胥含春。皎皎孤明月。萬物皆我隣。曠焉能自得。何必慕古人。

目昏

古人善讀書。貴心不貴目。不謂目已眊。展卷不能讀。大略未能觀。安得務精熟。我懷紫陽翁。因盲悔馳逐。聊用閒心魂。所慎在幽獨。

憶昔

無錫高景逸。關中馮少墟。吉水鄒南皋三先生。于神廟末年。聚講京師。偶觸其遺事。悵然有作。以志欽企。

憶昔神廟間。海內推三老。都門設講堂。福清爲主道。時彥蔚如雲。日夕資探討。我時遊京師。攝衣欲往造。友人偶有見。尋師當自考。未幾三老去。我亦竟潦倒。今逾三十年。海內鮮盟好。後輩律前輩。方悔見未蚤。初疑賢才生。天地實浩浩。曾閔爲由賜。接踵入抱懷。誰知竟不然。真人非易保。卓哉三君子。立身如日杲。言爲世羽儀。披對塵心掃。古人異代交。猶思薦蘋藻。我雖覲面違。私淑豈草草。

雜咏四首

孟氏不動心。時方及不惑。我逾三十年。中略無所得。蕩志既易搖。儀豈能不忒。血氣老不降。念之生惕息。是非何所定。彼此互見之。醉醒各相笑。趣捨豈同時。爭是徒滋垢。毀譽胡以爲。但從吾所好。千古有明師。世人爭趨避。榮華與枯槁。榮公暨陶公。長饑至于老。非耽身後名。應自愛其實。一飽復何求。多營滋煩惱。人生貴聞道。奚論修與短。日月不肯遲。身如寄客館。支脛國東人。不死言亦誕。生理果無慙。冥趣自坦坦。憶往

七月初秋日。禾黍欲登場。仲兄與季弟。懸弧兩相望。刈黍作新釀。蔬果有餘香。親知五七人。子孫亦成行。相率進杯罍。乏量饒懽腸。弟也先作古。兄復繼淪亡。秋潔雍睦時。遂爾成悲涼。無酒可且止。有酒共誰嘗。天涯古希人。念此心徬徨。

清明感懷

世人修祀事。展墓在清明。封土與點漿。童稚隨父兄。田廬經藉後。征稅不私塋。匪墓松楸。每歲納米十數斛。禁不採伐。時祭鮮及墓。有獻密及祊。生理何顏面。胡爲杜子庚。初擬蹈東海。島上無田橫。再欲訪文山。崖山久已傾。忍餓蘇山岑。孫邵結爲盟。念吾始祖氏。興州徙容城。興州今何地。容城近盛京。前事若觀火。後事宜永貞。所嗟回車難。去土亦豈輕。迴環一念間。中夜坐還驚。祖考儼在茲。寤寐啓前征。

示諸子若孫

歲暮予何言。鬢賸仍如昔。肌膚漸不實。手冷面常赤。獨此嗜學心。勉與日相迫。陶公五男兒。我復多一索。有能有不能。幸不至乖逆。見前已六孫。長瀾敦世澤。阿湊年十八。勵勵欲前適。十三曰阿潛。慧性忌太關。阿淳今九齡。學步不踟躕。有問輒高聲。慮我耳或格。薄四浴方三。攜手各相數。日夕娛老翁。我心亦悅懌。瀾孫亦抱子。家聲日漸奕。我躬固多愆。祖慶有餘積。陶公兒非痴。古人嚴爲責。我之子若孫。亦豈皆圭璧。莫知苗之碩。見寸而遺尺。

戒營二首

求多心憂。思煩神亂。暮年尤宜戒之。故作此詩。

人生百歲內。日日事營求。爲謀止一飽。夢寐慙衾裯。所以古至人。不惑亦不憂。飯糗將終身。五月可披裘。有酒便且酌。客至任去留。機忘自閒靜。吳越可同舟。語憶裴晉公。行止與天游。少壯甯幾時。倏忽七十四。鬢啞作家翁。疏食馨殘齒。簷端宿白雲。坦坦幽人履。立善不必欣。但無雜念累。苦吟我未能。多慮亦復忌。任運一何心。流行而坎止。大治無私情。森著有妙理。

候殷伯巖不至留此訂蘇山之約并柬申臯盟

君髮白如霜。君心皎似雪。是我老友行。誤入弟子列。別君年復年。懷君腸幾結。季孟傳君來。令我神爲悅。徘徊大梁間。密意爲君設。雲歸思故山。鬢賸存吾拙。君來當我歸。君歸勿我輟。爲語同心人。幸無吝車轍。

訪賈叟

東村有隱君。裔出洛陽後。以彼痛哭心。轉而爲緘口。柴門晝常扃。室大僅如斗。靜穆無所營。詩卷不釋手。半畝日涉園。種花盈戶牖。前醉芍藥旁。籬菊期重九。花落與花開。問君著意否。對之覺機忘。何啻飲醇酒。迎門與將軍。荀陳原非偶。咫尺素心人。頻來呼剪韭。

訓隰千里

夙昔聞君名。筆墨極奇峭。相隔僅百里。未得接言笑。今臥共城邊。十年形影弔。忽然枉芳訊。驚喜踰素料。夜窗一再讀。寒燈耿相照。因憶吾子游。與君皆年少。同入有道籍。君高白雪調。雁影斷中天。雀跡凌絕嶠。夢想亦有年。名德已稱邵。何時入深林。縹緲蘇門嘯。

五子詩有引

新城張子度果中。易州隰千里崇岱。雞澤殷伯芽之紐。肥鄉李世其愷。故城沈無謀嘉。皆天啓辛酉左忠毅所選士。

畿輔有五子。斐然著文場。受知左忠毅。同登有道堂。乙丙璫焰烈。于度見俠腸。隰子忠信資。崎嶇亦康莊。靜穆兮雞澤。繩檢者肥鄉。予曾過其廬。鶴鳴子欲翔。沈郎晚多病。音韻猶鏘鏘。五子雖蓁蕞。顏色無淒涼。讀書友古人。氣誼何軒昂。張子從予久。埋骨蘇山陽。誰謂世運薄。五子老彌彊。姓字挂天壤。留以閱滄桑。

送王伯生北歸

家住在盧龍。寰海恣飛越。十載大河南。氣志無顛蹶。世事入眼明。有懷盡招揭。人謂進善猛。猛乃不中歇。

人謂嫉惡嚴嚴乃不受机。耿子子益友。每向余咄咄。兼葭懷伊人。一見欣清樾。攜幼登草堂。請以弟子謁。相將幾夕晨。有叩無不竭。臨路莫黯然。千里同明月。

亡弟啓美生日癸卯七月

七年後我生。廿年先我死。誰家無兄弟。克恭莫如子。雙峯告殞時。我病幾不起。嗣後各飄零。我借蘇門止。幸子有孫曾。孝友堂未圯。老年懷二人。鵠原情難已。潔室修祀事。子位傍考妣。今夕子生辰。靈爽應在此。

里門四首

我今過里門。宗族欣來視。少者面未識。壯者貌亦異。本是同源人。話言絕無僞。繼而羅酒漿。各訴別後事。雍睦宗之光。懽情入夢寐。鄰曲知我歸。欣然談在昔。云去已多年。今幸共晨夕。舉步攜兒孫。相與勞行役。斗酒佐鮮鱗。往來乘農隙。休戚累世同。亦爲別離惜。言念我桑梓。孰非同室人。但以別離久。緣疎益得親。長幼聯袂來。晤言各率真。有酒須一酌。粗糲不言貧。吾鄉有先達。爲高正有因。邑令聞我來。單騎欣至止。郡長聞我來。函書佐執紼。天上有故人。致言留轍軌。自愧一腐儒。垂老家常徙。聞也而過情。中夜常自起。

仰賢詩有引

彈丸容邑。羣賢接踵。不可謂非地靈也。願與生於其鄉者共勉焉。

劉靜修

文靖元大儒。處士召不至。非不事裕皇。易稱高尚志。祖父生金元。舍此身何真。尊道與行道。情同事無異。希聖學已深。點由置非位。俎豆盈孔庭。後來如薪積。

魏士友

義士事還田。元史載孝友。義從孝友生。此意乃真厚。田去四百年。子孫環相守。耕田只耕心。心田能耐久。堯舜讓天下。天下至今有。莊以興讓名。兩字自不朽。

楊椒山

忠愍烈節士。龍比共嚶鳴。矢志誅國賊。急聞請劍聲。一歲官四遷。圖報有至情。祇完當日事。豈計百年名。名與身孰親。殺身仁乃成。賊魄從此奪。天地爲一清。

胡林尖

胡公元進士。天子不得臣。講道林尖山。同志有五人。時稱五丈夫。相聚無宵晨。雖不傳所學。但云卻聘頻。自是靜修流。契慕有獨真。沒而賜配饗。同德復同鄰。

李希直張希古

道義由師友。二公真其人。希直篤信士。所重在敦倫。邑學與國學。到處皆認真。文清暨文靖。從祀疏請頻。